

萬有文庫

第二集七百種

王雲五主編

讀史方輿紀要

(二十二)

顧祖禹輯著

商務印書館發行

讀史方輿紀要

(二十二)

顧祖禹輯著

江苏工业学院图书馆
藏书章

萬有文庫

第二集七百種

總編纂者

王雲五

商務印書館發行

讀史方輿紀要

卷六十二

陝西十一

寧夏鎮

東南至後衛三百六十里。南至慶陽府環縣五百七十里。西南至中衛三百六十五里。西至賀蘭山。邊界百里。北至西瓜山邊界二百九十里。自鎮治至布政司一千四百里。至京師三千六百四十里。

春秋時羌戎地。秦屬

北地郡。二漢因之。晉仍屬北地郡。尋沒於諸國。最後屬赫連夏。後魏爲薄骨律鎮地。尋屬靈州。後周爲普樂郡。隋初郡廢。仍屬靈州。大業初。屬靈武郡。唐仍屬靈州。天寶初。亦屬靈武郡。乾元初復故。宋仍屬靈州。天禧中。爲夏人所陷。乾興二年。趙德明始城靈州之懷遠鎮。爲興州。後又升爲興慶府。復曰中興府。都於此。至蒙古滅之。改爲寧夏路。明初曰寧夏府。洪武五年廢。九年。改置寧夏衛。

尋又增置寧夏前衛及左右二屯衛。凡四衛。

隸陝西都司。今爲寧夏鎮。

鎮爲關中之屏蔽。河隴之噤喉。漢濱河置障。畿輔緩急。視北地之安危。晉邊備不修。雄疆盡成戎藪。故

涇渭以北。遂無寧宇。後魏既并赫連。緣邊列鎮。薄骨律與高平。沃野。相爲形援而後。關隴無禍患者幾百年。西魏以迄周隋。亦以靈州爲關中藩捍。唐開元中。建朔方節度於此。用以捍禦北方。士馬盛強。甲於諸鎮。及天寶之亂。朔方僚屬崔漪等謀曰。靈武兵食完富。若北收諸城兵。西發河隴勁騎。南向以定中原。此萬世一時也。因共奉牋迎太子。遂爲中興之本矣。廣德初。僕固懷恩以朔方叛。與吐蕃回紇共肆狡獪。戎馬遂入於郊甸。郭子儀收復朔方。中外之防。藉以少固。迄於唐之末造。朔方猶列版圖。窺伺者未敢爭也。宋咸平四年。何亮言。靈州地方千里。表裏山河。爲中外必爭之地。

楊億曰。靈州朔方之故墟。僻介西鄙。數百里間。無有水草。

烽火亭障。不相連屬是也。

五年。靈州陷於趙保吉。自是西夏遂成強敵。天聖以後。涇原環慶。關門不啓。而東至鄜延。西至秦鳳。亦皆殘敝。蓋靈州據諸路上流。縱橫四出。關中且不知所備也。蒙古起於西北。數侵夏境。夏既困憊。遂獵取之。明初既逐擴廓。亦建爲雄鎮。議者謂寧夏實關中之項背。一日無備。則胸腹四肢。舉不可保也。九邊考。寧夏之境。賀蘭山環於西北。黃河繞其東南。

舊時邊牆。東起大鹽池。抵延綏定邊界。西至石空寺。抵固原蘆塘界。凡千八百里。今蘭靖以北。皆爲固原邊。自

蒲塘接莊浪界。長二百里。

地險固。田肥美。屹爲要會。然自正統以後。鎮常爲寇衝。蓋明初寇遁漠北。間有侵軼。不過河

西一帶。自游牧套內。患乃更在河東。若其禍切而備急者。則尤在於花馬池。必花馬池之備密。而寧夏之肩背始可稍息。何也。河西所當備者。若平羅。若洪廣。若玉泉。若廣武。若中衛。雖皆爲窺伺之所。而猶山溪隔礙。有險可憑。花馬池則川原平曠。朔騎馳突。於此最易。由花馬池而西。則興武營。興武營而西北。則爲靈州。靈州居寧夏之中。迫近大河。其南與固原邊相接。靈州者。南北之喉舌也。靈州失。則寧夏隔爲外境。而環固危。環固危。則陝危。然則急靈州。更不得不急花馬池矣。明申用懋輯云。今鎮城南北不過百餘里。東西不過二百餘里。然號爲雄邊者。以地利得也。夫繇寧夏而言固原。則固原實爲堂奧。固原邊之響石溝。至靖遠邊之花兒岔。皆爲庭除。而寧夏與榆林。並爲藩籬。花馬池正其門戶也。若夫賀蘭山盤峙鎮西。套寇闌入河西。往往取道於此。而徐斌水在衛境西南。又爲固原西路之險。河凍則守舊邊。春融則守新邊。此前人成算也。詳見固原州總論夫恃河爲險。實非遠猷。明萬歷中。嘗得松山之地。說者謂自索橋而上。直接鎮番。增築保障。廣布耕屯。則賀蘭以西。皆爲內境。而黃河之險。敵不敢與我共。將莊涼蘭靖。以迄固原之間。皆可安枕而臥矣。

寧夏前衛

治鎮城內。明洪武十七年置。

寧夏左屯衛。同上。

寧夏右屯衛。同上。又有寧夏中護衛。明建文三年爲廢府置。

懷遠廢縣。卽今鎮治。本漢北地郡富平縣地。後周置懷遠縣。并置懷遠郡治焉。隋開皇三年郡廢。以縣屬靈州。唐因之。宋初爲懷遠鎮。天禧中。夏人升爲興州。又升爲興慶府。尋改爲中興府。元寧夏路治此。明初改置今鎮。志云。鎮城周十八里。東西倍於

南北。元末寇賊侵擾。棄其西之半。正統間。生齒日繁。復修築之。謂之新城。門六。東西各一。南北各二。

靈武城。在鎮南。漢置縣。屬北地郡。後漢省。靈帝建寧初。段熲大破叛羌於靈武谷。卽故縣境也。後魏亦置靈武縣於此。屬靈州。後周改置建安縣。又置歷城郡治焉。括地志。後魏永和初。平三齊。嘗徙歷下人居此。周因置郡。曰歷城。隋開皇三年郡廢。十八年

改縣爲廣潤縣。仁壽初。避太子諱。復曰靈武縣。屬靈州。唐因之。廣德二年。河西將柏文達攻破僕固懷恩。擢沙堡。靈武縣。以救京師。卽此城也。宋沒於西夏。縣廢。擢沙堡見平涼府鎮原縣。

安靜城。在鎮西南八十里。黃河北岸。亦漢富平縣地。隋開皇十一年。置宏靜縣。屬靈州。唐初因之。神龍初。改爲安靜縣。至德初。又改爲保靜縣。五代唐天成四年。定遠軍使李匡賓據保靜鎮作亂。朔方不安。旣而靈州帥康福討定之。宋初仍屬靈州。後沒於

西夏。元廢。明爲屯軍所居。

安遠城。鎮東北六十里。唐志云。城在靈州東北二百里。先天二年。郭元振置。天寶中。屬朔方節度。後升爲縣。屬靈州。貞元八年。吐蕃寇靈州。詔河東振武救之。復遣神武軍戍定遠。及懷遠城。吐蕃乃退。景福二年。靈武節度韓遵表爲警州。宋初置定州於此。

西夏因之。亦曰定州城。蒙古初廢。元和志靈、鹽、接境。相距三百里。定遠城置於黃河北岸。蓋鹽州邊戍也。○田州城在鎮北六十里。西夏所置。蒙古廢。

清遠城。

在鎮東。宋置清遠軍於此。咸平中。趙保吉陷清遠軍。復攻定州懷遠。又進掠輜重。至唐龍鎮。曹瑋以蕃兵擊敗之。乃却。宋史。真宗以趙保吉作亂。出環慶清遠軍地圖。指示輔臣。又指靈州西榆木天澗路。且議戰守方略。唐龍鎮。舊志云。在衛西南百七十里。木蕃族也。宋大中祥符二年。麟府路言社慶族依唐龍鎮爲援。侵擾別部。卽此。又榆木天澗在靈州所西。宋時自靈州通原州之道也。

新昌城。

在鎮東北。唐志。靈州黃河外有豐安、定遠、新昌等軍。豐寧、保寧等城。時謂之塞下五城。大歷十一年。增朔方五城戍兵。以備回紇。是也。蓋五城皆屬朔方節度。豐安見靈州所。○羊馬城亦在鎮東北。唐志。城隅員十四里。信安王禕所築。

賀蘭山。

鎮西六十里。山盤踞甚遠。衛境倚以爲固。通典。安靜縣西有賀蘭山。樓樹山。空青山。蓋賀蘭山峯巒錯峙。一山而有數名也。山麓爲黃安峽。赤木峽等口。舊皆壘石置驛。嘉靖中。寇從赤木口折牆闌入。官軍禦却之。後設戍防守。詳見前名山。

峽口山。

鎮西南百四十里。兩山相夾。黃河經其中。水經注謂之上河峽。或謂之峽石。唐武德八年。安州都督李靖與突厥戰於靈州之峽石。是也。俗亦謂之青山。又名大石山。長慶初。靈武帥李進誠奏敗吐蕃於大石山下。卽此。一統志。峽口山一名青銅峽。

上有古塔

一百八座。

省嵬山。

在鎮東北百四十里。有省嵬口。爲防禦要地。一統志。黃河東岸舊有省嵬城。橫枕河濱。又西瓜山在鎮東北二百八十里。以形似名。山外卽敵界也。

斷頭山。

鎮東北三百里。明初湯和北征。敗績於此。又景泰間。石亨言賊將犯大同。其巢穴在斷頭山。去寧夏不遠。是也。○石嘴山在鎮東二百里。山巖突出如嘴。又東百里曰麥梁山。山勢高聳。如麥梁然。

金積山

鎮南二百里。山多赭土。日照則色如金。東麓有滾泉。清潔可愛。又三山在鎮東南二百里。六十里。有三峯列峙。其南爲樺子山。溪洞險惡。豺虎所居。人跡罕到。山出樺子木。因名。

不老山

在鎮北塞外。北寇聚牧處也。明永樂初。寧夏鎮臣何福言。諜報塔灘賊在不老山。將寇寧夏。上曰。此時賊不出槍桿。野狐。二嶺及雲州之地。必向山西大同。已而山西奏寇犯灰溝村。黃甫川。五邊考。衛西北境有寧羅山。又西南爲龜山。松山。摺次山。

與莊浪衛相接。皆爲險塞。可憑。槍桿。野狐。雲州。俱見直隸宣府。黃甫川。見榆林。○大青山在賀蘭山後。隆慶三年。寧夏官兵擊套寇於大青山。敗之。

宗高谷

在鎮西北。唐天祐三年。靈武帥韓遜奏吐蕃營於宗高谷。將西擊涼州。趙珣聚米圖經。靈武自賀蘭山路。西至涼州九百里。谷蓋在賀蘭山後。

黃河

鎮東南四十里。自寧夏中衛流入界。過峽口而東。至靈州所北。又折而東北出衛界。入廢豐州境。志云。黃河嘗爲中國患。而衛獨受其利。引渠灌漑。凡數萬頃。田者無旱澇之災。司馬遷河渠書。自武帝宣房塞後。用事者爭言水利。朔方。西河。河西。酒泉。皆

引河及川谷以溉田。後漢西羌傳。順帝從虞詡言。復朔方。西河。上郡。使激河濬渠爲屯田。省內郡費歲一億計。是也。

三岔河

在鎮東南。黃河西岸。卽河流曲折處也。成化中。寇犯韋州。還。總兵劉聚邀敗之於三岔河。又黑水河在衛東。番名哈喇兀速河。自榆林境西流。注於黃河。

清水河

在鎮南三百五十里。河流甚狹。自平涼府固原州流經此。經寧夏中衛鳴沙故城南。注於黃河。一名胡盧河。宋元豐四年。宣者李憲自蘭州伐夏。至胡盧河而還。卽此矣。

金波湖

在鎮城北。又鎮東北三十里有三塔湖。鎮東南三十五里有巽湖。明萬歷二十年。哱拜作亂。據平夏。官軍攻之。衛城西北卑下。與金波。三塔。諸湖相近。東南又近漢延。紅花等渠。形如釜底。官軍因繞城築堤以灌之。城多崩壞。遂克之。是也。○觀音湖

在鎮西九十里。賀蘭山之水多聚於此。又有月湖。在衛北七十里。長湖在衛西北百二十里。

漢延渠

在鎮城東南。支引黃河水。遶城溉田。可萬餘頃。又唐來渠。在衛城西南。亦引黃河水。遶城而西。溉田亦萬餘頃。宏治十二年。撫臣王珣言。衛西山下。更有漢唐舊渠。首尾三百餘里。兩岸高峻。中廣二十餘丈。今大半淤塞。請疏鑿成河。修築東岸。積土削牆。山口要害。各設營堡。沿河按伏。以遏賊衝。且便軍民耕種云。

紅花渠

鎮南五里。分唐來渠水。東南溉田七百餘頃。復引入城中。民汲甚便。又新渠在鎮城南。亦分唐來渠之水。溉田數百頃。○秦家渠在黃河東南。分河水溉田數百頃。又漢伯渠在黃河西南。亦分河流溉田二百餘頃。

御史渠

在鎮東北黃河外。唐史郭子儀請開豐寧軍御史渠。溉田二千頃。是也。又尙書渠在衛東。亦唐所開。舊唐書大歷十三年。回紇馬重英以四萬騎寇靈州。塞御史。尙書。光祿三渠水口。以擾屯田。朔方留後常謙光逐出塞後。李聽爲都督長史。復導三

渠。光祿渠今

見靈州所。

千金渠

在鎮南。元和志。渠在靈武縣北四十二里。長五十二里。闊十里。又有漢渠。在靈武縣南五十里。從漢渠北流四十餘里。始爲千金大陂。其左右又有胡渠。御史。百家等渠。共溉田五百餘頃。○東壩在衛境。天順四年。寧夏總兵張太破敵於東壩。是也。

鹽池

在鎮界。唐食貨志。靈州有溫泉。兩井。長尾。五原。紅桃。回樂。宏靜池。今五原池見後衛。回樂池舊在靈州所。餘當在衛界。通志。今在衛北四十里。曰大鹽池。衛北百七十里者曰小鹽池。衛城東南者紅鹽池。衛城西者曰長鹽池。然皆湮廢。

廣武營

在鎮西南百七十里。其東北爲大壩堡。其西爲棗園堡。又西爲石空寺堡。與中衛接界。俱戍守要地也。輿程志。由廣武營而南五里渡黃河。卽寧夏中衛之鳴沙州。

玉泉營

鎮西百三十里。其東北爲平羌堡。其西卽大壩堡也。一統志。大壩堡與中衛分界。西至中衛二百十里。又瓦窯墩。在平羌堡西北。嘉靖八年。寇由此入犯。官軍禦之於平羌堡。敗績。○靈武營在鎮北百里。正統十一年。建營於此。爲北面之蔽。又河西

營。在黃河西岸。河

東岸又有河東營。

潘昶堡

鎮東二十五里。自堡而東南。又有金貴、李祥、魏敬、王信、王貴、任春、葉誠。凡八堡。俱屬寧夏鎮。又王登堡。在鎮東北三十五里。自堡而東北。又有張政、魏政。二堡。俱屬寧夏左屯衛。○謝保堡。在鎮北十五里。自堡而北。又有張亮、李信、丁義、周澄。凡四堡。

俱屬寧

夏前衛。

楊顯堡

鎮西南三十五里。自堡而西北。又有陶容、雷福、桂文、常信、洪廣、高榮、姚福。凡七堡。俱屬寧夏右屯衛。○王景堡。在鎮西南四十里。自堡而西南。又有李俊、邵剛、瞿靖、林臯、蔣鼎、陳剛。凡六堡。屬寧夏左屯衛。

高臺

在鎮東十五里。地勢崇高。登眺極山河之偉觀。趙元昊嘗建寺於此。

靈州守禦千戶所

鎮南九十里。南至慶陽府環縣五百里。漢置靈洲縣。屬北地郡。後漢因之。晉縣廢。其後赫連夏據其地。後魏主濬滅之。太延二年。置薄骨律鎮。在河渚上。孝昌中。改置靈州。初在河北。後於果園所築城爲州治。兼置普樂郡。後周

因之。隋初郡廢。煬帝又改曰靈武郡。唐仍曰靈州。開元九年。置朔方節度治於此。天寶初。復改州爲靈武郡。安祿山之亂。太子至靈武。卽位於郡城南樓。是也。五代仍爲朔方軍治。宋初改曰翔慶軍。咸平五年。沒於西夏。謂之西平府。元復曰靈州。明初改爲千戶所。正德元年。升爲守禦千戶所。今亦設靈州所。

迴樂廢縣。

在所西南。本漢靈洲、富平二縣地。後魏置縣。爲普樂郡治。隋爲靈州治。大業中。爲靈武郡治。唐初因之。宋沒於西夏。元省縣入州。志云。所城舊在河東。明洪武十七年。圯於水。移築於舊城北七里。宣德三年。又爲河水所衝決。移築於城東北五

里。今所城周七里。有奇。惟南北二門。

靈洲城。

在所北。漢縣舊城也。漢志注。惠帝二年置縣。有河奇苑。號非苑。顏師古曰。苑謂馬牧水中。可居者曰洲。此地。在河之洲。隨水高下。未嘗淪沒。故號靈洲。又曰河奇也。二苑皆在縣北。後漢元初三年。鄧遵大破叛羌於靈州。卽此。西魏置臨河縣。又置臨

河郡治焉。隋開皇初。改郡

曰新昌。三年。郡縣俱廢。

富平城。

在所西南。漢置縣。屬北地郡。後漢因之。永初三年。任尙等大破先零叛羌。浪莫於富平河上。是也。中平中。以羌亂。富平繼治安定郡彭陽縣界。自晉以後。益徙而南。故城遂廢。漢志注。縣有神泉障。爲北部都尉治。又有渾懷障。在塞外。渾懷都尉治焉。

○胸卷城在所西南二百里。漢安定郡屬縣也。讀曰旬箇。後漢廢。水經注。河水東北逕胸卷故城西。又東過富平縣西。是也。

典農城。

在富平故城西。城有三。其西南城。世謂之胡城。又東北有城。曰上河城。世謂之漢城。又東北有城。世謂之呂城。河水皆經其東。薛瓚曰。上河在西河富平縣。漢馮參爲上河典農都尉。分屯以事農處也。

豐安城。

所北百八十里。杜佑曰。在靈武西黃河外。隋開皇十年。置縣屬靈州。大業末廢。唐武德四年。析迴樂縣。復置豐安縣。兼置迴州治。貞觀十三年。州廢。縣并入迴樂。萬歲通天初。置豐安軍。神龍初。突厥默啜寇鳴沙縣。因移縣治於豐安城。先天二年。郭

元振復修築焉。仍爲豐

安軍。屬朔方節度使。

丁奚城。

在所南。後漢永初六年，漢陽賊杜季貢降於滇零羌，別居丁奚城。東觀記：丁奚城在北地郡靈洲縣。元初二年，司馬鈞等分道擊叛羌，鈞獨進攻，拔丁奚城。既而任尙復擊破杜季貢於此。明年，尙復遣兵擊破先零羌於丁奚城。太子賢曰：丁奚城在

慶州馬嶺

縣西北

薄骨律鎮城。

在所北。水經注：河水北逕薄骨律鎮城，城在河渚上，赫連果城也。桑果餘林仍列洲上，相傳赫連之世，有駿馬死此，取馬色爲邑號，故目城爲白石驢。後譌爲薄骨律也。又雄州城志云：在所西南百八十里，本名承天堡。唐中和間，徙

雄州治

此因名

燕然廢州。

唐志：州寄治迴樂縣界。貞觀二十年，鐵勒歸附，於靈州界置皋蘭、高麗、祁連、三州，並屬靈州都督府。永徽元年，並廢。調露元年，又置魯、麗、塞、含、依、契等六州，總爲羈縻州。開元初廢。既又復置東皋蘭、燕然、燕山、雞田、雞鹿、燭龍等六州，仍寄靈州

界。而燕然、雞鹿、雞田、三州，俱在迴樂縣界。突厥九姓部落所處也。至德後俱廢。

平山。

在所東北八十里，山頂平衍，因名。○歡喜嶺在所東。成化中，寇入所東永隆墩，諸戍官軍追敗之於此。又囉龍嶺在所西。宋乾道六年，夏相任得敬脅其主仁孝欲分夏國，仁孝分西南路及靈州之囉龍嶺與之，上表於金。金人不許，得敬尋伏誅。

磨礪隘。

在所南百餘里。宋元豐四年，劉昌祚引涇原兵伐夏，次磨礪隘。夏人據險以拒昌祚，大破之。遂薄靈州。慶州兵亦至，共圍之。夏人據黃河七級以灌昌祚營，復鈔絕糧運。昌祚引還。

黃河。

在所城北。自寧夏中衛流入界，又東北入衛境。志云：黃河經靈州西，爲河曲，河千里一曲。自澆河至故朐卷縣，率東北流，至富平始曲而北流。漢志注：河水自朐卷別出爲河溝，東至富平北入河。河水於此有上河之名。前漢馮參爲上河典農都尉，後漢

任尙破先零羌於富平上河是也。後魏永熙二年，雍秦諸州都督賀拔岳擊靈州帥曹泥，會秦州刺史侯莫陳悅於高平，使先行至河曲，岳爲悅所害。西魏大統二年，宇文泰遣軍爲曹泥於靈州引水灌其城，不沒者四尺，高歡發南至羅兵三萬騎徑渡靈州河，遠出魏師之後，魏師退，泥得脫歸歡。唐貞元七年，吐蕃寇靈州，陷水口支渠，敗營田。五代唐長興中，朔方帥張希崇引河渠興屯田，以省漕運，民便愛之。今所境田多沃饒，恆無饑饉之患，賴黃河之灌溉也。

浦洛河

在所南，北流入大河。宋至道元年，邊將白守榮護蜀糧赴靈州，李繼遷邀擊於浦洛河，盡奪之。卽此。亦曰溥樂河。宋人議築溥樂城，以河爲名也。○蒲草湖在所東南十里，又所南三十五里有草場湖。

七級渠

在所城南。唐大歷八年，吐蕃寇靈州，郭子儀敗之於七級渠。宋元豐中，劉昌祚圍靈州，夏人決七級渠灌之，是也。○特進渠在所西。志云：迴樂縣有特進渠。唐長慶四年開，溉田六百頃。

光祿渠

在所東。唐史：靈鹽部有光祿渠，久廢。李聽爲夏綏銀宥節度使，引渠溉塞下地千頃，以省轉餉。志云：渠在靈州，本漢時導河溉田處也。

旱海

在所東南。宋張洎曰：自威州抵靈州，有旱海七百里，斥鹵枯澤，無谿澗川谷。張舜民曰：今旱江平卽旱海。在清遠軍北。趙珣曰：鹽夏清遠軍間，並係沙磧，俗謂之旱海。自環州出青剛川，本靈州大路，自此過美利寨，漸入平夏，徑旱海中，至耀德清邊鎮入

靈州是也。威州

見慶陽府環縣

輝德鎮

在所南。舊爲靈州戍守處。石晉開運二年，朔方帥馮暉赴鎮，過旱海，至輝德，覺項扼要路，據水泉拒暉，暉擊敗之，乃得入靈州。亦謂之耀德。宋咸平四年，趙保吉作亂，張齊賢等議棄靈州，何亮言：靈州不可捨，請築溥樂、耀德二城，以通河西糧道。豈

靈武居絕域之外，不築此二城爲脅齒。

與捨靈武無異也。溥樂見上浦洛河。

清水營

在所東八十里。志云：在衛城東南百二十里。黃河東南。正統七年建。宏治十八年，爲套寇所陷。五邊考：套寇犯靈州，必由清水營入。清水營者，靈州之咽喉也。特設重兵戍守。隆慶五年，以西番順命，設馬市於此。

橫城堡

在清水營西北八十里。黃河東岸。輿程志：由清水營而西北四十里，爲紅山堡。又四十里，爲橫城堡。西三里，卽黃河渡。渡河處有關，亦曰鎮遠關。又西北四十里，卽寧夏鎮也。○毛卜刺堡，在清水營東南三十五里。又東南三十里，卽興武所，亦戍守

地要

萌城堡

在所東南二百二十里。輿程記：所南四十里有大沙井堡，亦曰大沙井驛。又東南四十里，爲石溝驛。又六十里，爲小鹽池，亦曰鹽池驛。又東南四十里，爲隰寧堡。又四十里，曰萌城堡，亦曰萌城驛。與慶陽府環縣接壤，皆出入襟喉，守禦要地也。又鹽

池驛分道而西，凡一百二十里，卽中衛之廢鳴沙州。○紅寺堡，在所西百四十里。嘉靖十四年，陝西總制劉天和議築新邊，言紅寺堡東南起徐城水，至鳴沙州河岸，可二百二十里處也。詳見固原州。

紅城子

在所東北，黃河東岸。成化九年，套寇犯章州，制臣王越督軍敗賊於此。又宏治十三年，總兵朱暉從紅城子出兵，擣河套。又東北有三岔溝，亦成化九年，官軍邀敗套寇處也。

興武所

在鎮東南三百二十里。東至花馬池百二十里，西至橫城堡百四十里。其間沙漠平漫，向爲寇徑。正統九年，置興武營。正德初，改置興武守禦千戶所。所城周三里有奇。今設興武營於此。

高橋兒砦

在所西南。正德初，總制楊一清言：寧夏花馬池，興武營直抵高橋三百餘里，爲寇入邊門戶。諸部多屯牧其處，又西接靈州之萌城驛。○磁窰砦，在所西。成化九年，撫臣馬文升議築堡於此，以接靈州邊界。從之。因置寨屯守。

章州所

鎮東南二百六十里。西夏置章州於此。又爲靜塞軍。元廢。明宏治十年，以地當寇衝，增置章州千戶所。所城周二里有奇。今廢。

打狼山。

在所東南。套寇由韋州而南，犯鎮原、平涼之道也。一統志：寧夏衛東南二百九十里，有狼山，卽此山矣。○蠡山在所西二十里，層巒蒼翠，其峯如蠡，有泉名曰富泉。其東又有小蠡山，亦曰螺山。每入寇，營駐牧於此。志云：蠡山在寧夏衛南二百六十

里是也。

東湖。

所東三十里，湖北三里，又有鴛鴦湖，互相縈注，所境田疇多藉以灌溉。

平羅所。

在鎮北百六十里，東至黃河十五里，西至賀蘭山六十里，洪武中置平鹵千戶所，城周四里有奇，今爲平羅所。

老虎山。

在所東北百八十里，黃河岸上，九邊考：自老虎山而西，爲長流水、蒲草泉等險，距中衛境可數百里，皆可收爲外險。

蒲草溝。

在所西北二百里，宏治十一年，制臣王越討賀蘭山後叛部，分兵擊賊於花果園、蒲草溝，賊從沙窩遁去，乃合兵追至大把都，又追敗之於柳溝兒。寇西遁，花果園紀事云：在所北二百里。

鎮遠關。

所北六十里，爲寧夏之衝要。嘉靖中，總制王瓊築花馬池新邊，棄關不守。自是山後之寇益恣，議者引爲瓊咎。九邊考：平羅當北面之衝，而鎮遠關實爲外險，舊自鎮遠關以至火沙溝，皆有臺堡相接，以斷北寇西行之路。外險旣失，平羅雖有扼塞

可憑而終

虞單薄矣。

黑山營。

在北八十里，永樂元年建，與鎮遠關相應援。嘉靖九年廢，議者謂河西營堡惟平羅城三面受敵，河凍時套寇踏冰入犯，非墩牆所能禦也。冰泮後寇每用渾脫浮渡，擾我耕牧，則棄黑山營，鎮遠關而守平羅，殆非長算矣。

威振堡

所西北二十里。嘉靖九年，總制王瓊言：平羅城北威振堡，五岔溝與沙湖、黃河相連，舊有溝渠，年久湮廢，宜濬治之。西南接賀蘭山大水口，以爲限蔽云。又新興堡在所西北五十里。嘉靖九年，王瓊請自威振堡以西築臨山墩爲堡，又沿溝尖塔兒

墩、新興墩各築一堡，是也。今臨山堡

在新興東，新興以西則爲鎮朔堡。

洪廣堡

所西八十里，又西爲鎮北堡。九邊考：洪廣、玉泉、廣武與寧夏中衛俱爲河西之蔽。然中衛僻在西隅，塹山堙谷，有險足恃，而洪廣、玉泉、廣武皆在賀蘭山南，寇入套後，患亦差少。

打磴口

所北四十里，在鎮遠關內，爲山後賊衝。嘉靖十六年，寇由此入，犯官軍禦却之。議者謂欲復鎮遠關，必先固打磴之守，是也。

寧夏後衛

東北至榆林鎮七百二十里，南至慶陽府五百里，西南至固原鎮六百二十里，西北至寧夏鎮三百六十里，自衛治至布政司一千一百二十里，至京師三千三百七十里。

古羌戎地，秦屬北地郡，兩漢因之。晉仍屬北地郡，後爲赫連夏所據。後魏置大興郡，西魏改爲五原郡。

兼置西安州，尋改爲鹽州。隋初郡廢。大業初，又改州爲鹽川郡。唐初爲梁師都所據。貞觀二年，復置鹽

州。舊唐書：武德初，鹽州及五原縣俱寄治靈州。貞觀初，州縣俱廢。明年，平梁師都，復於舊城置鹽州及五原縣。天寶初，曰五原郡。乾元初，復故。貞元二年，陷於吐蕃。唐史時吐

蕃陷鹽州

八年收復

明年，置鹽州節度，尋廢。十七年，又陷於吐蕃。旋復得之。唐志：貞元十九年，置保塞軍於此。

五代時，亦曰鹽州。宋初因之。咸平以後，爲西

夏所據。元以其地屬環州。明初屬慶陽府。正統九年，置花馬池營。成化中，爲守禦花馬池千戶所。正德